

# 永樂大典

卷〇八四三 兵字

卷〇八四四 兵字

卷〇八五〇六 寧字

卷〇八五〇七 寧字

# 永樂大典卷之八千四百十三

十九

## 兵

詩文三

西漢書趙充國奏疏曰臣聞兵以計為本故多算勝少算先零日月異遠  
餘不過七八千人失地遠客分散飢凍罕開莫須又頗暴略其千五百餘  
畔還者不絕皆聞天子明令相捕斬之賞臣愚以為虜破壞可日月異遠  
在來春故曰兵決可期月而望竊見北邊自敦煌至遼東萬一千五百餘  
里乘塞列隧有吏卒數千人虜數大衆攻之而不能害今留步士萬人屯  
田地勢平易多高山遠望之便部曲相保為塹壘木樵校聯不絕使兵弩  
鈐聞具變火幸通執及并力以逸待勞兵之利者也臣愚以為屯田內有  
資費之利外有守禦之備騎兵雖罷虜見萬人留田為必禽之具其土崩  
歸德宜不久矣從今盡三月虜馬羸瘦必不敢指其妻子於他種中遠涉  
河山而來為寇又見屯田之士精兵萬人終不敢復將其累重還歸故地  
是臣之愚計所以度虜且必瓦解其處不戰而自破之策也至於虜小寇  
盜時殺人民其原未可卒禁臣聞戰不必勝不苟接刃攻不必取不苟勞

衆誠令兵出。雖不能滅先零。豈能令虜絕不爲小寇。則出兵可也。即今同是而釋坐勝之道。從乘危之勢。徃終不見利。空內自罷敝。貶重而自損。非所以視蠻夷也。又大兵一出。還不可復留。湟中亦未可空。如是黥役復發也。且匈奴不可備。烏桓不可不憂。今久轉運煩費。傾我不虞之用。以贍一隅。臣愚以爲不便。校尉臨衆。幸得承威德。奉厚幣。拊循衆羗。諭以明詔。宜皆鄉風。雖其前辭。嘗曰得亡效五年。宜亡他心不足。以故出兵。臣竊自惟念。奉詔出塞。引軍遠擊。窮天子之精兵。散車甲於山野。雖亡尺寸之功。媮得避嫌之便。而亡後咎餘責。此人臣不忠之利。非明主社稷之福也。臣幸得奮精兵。討不義。久留天誅。罪當萬死。陛下寬仁。未忍加誅。令臣數得熟計。愚臣伏計孰甚。不敢避斧鉞之誅。昧死陳愚。唯陛下省察。又鼂錯傳孝文帝時。匈奴彊。數寇邊。上發兵以禦之。錯上言兵事。曰臣聞漢興以來。胡虜數入遼地。小入則小利。大入則大利。高后時再入隴西。攻城屠邑。略畜產。其後復入隴西。殺吏卒。大寇盜。竊聞戰勝之威。民氣百倍。敗兵之卒。沒世不復。自高后以來。隴西三困於匈奴矣。民氣破傷。亡有勝意。今茲隴西之吏。賴社稷之神靈。奉陛下之明詔。和集士卒。底厲其節。起破傷之民。以當乘勝之匈奴。用少擊衆。殺一王。敗其衆。而法曰。大有所利。非隴西之

民有勇怯。迺將吏之制巧拙異也。故兵法曰。有必勝之將。無必勝之民。繇此觀之。安邊境。立功名。在於良將。不可不擇也。臣又聞用兵臨戰。合月之急者三。一曰得地形。二曰卒服習。三曰器用利。兵法曰。丈五之溝。漸車之水。山林積石。經川丘阜。草木所在。此步兵之地也。車騎二不當一。土山丘陵。曼衍相屬。平原廣野。此車騎之地。步兵十不當一。平陵相遠。川谷居間。仰高臨下。此弓弩之地也。短兵百不當一。兩陳相近。平地淺草。可前可後。此長戟之地也。劒楯三不當一。荏葦竹簾。草木蒙籠。支葉茂接。此矛鉞之地也。長戟二不當一。曲道相伏。險阨相薄。此劒楯之地也。弓弩三不當一。士不選練。卒不服習。起居不精。動靜不集。趨利弗及。避難不畢。前擊後解。與金鼓之音相失。此不習勒卒之過也。百不當十。兵不完利。與空手同。甲不堅密。與袒裼同。弩不可以及遠。與短兵同射。不能中。與亡矢同。中不能入。與亡鏃同。此將不省兵之過也。五不當一。故兵法曰。器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者兵之至要也。臣又聞小大異形。彊弱異執。險易異備。夫卑身以事彊。小國之形也。合小以攻大。敵國之形也。以蠻夷攻蠻夷。中國之形也。今匈奴地形技藝。與中國異。上下山阪。出入溪澗。中國之馬弗與。

也。險道傾仄。且馳且射。中國之騎弗與也。風雨罷勞。飢渴不困。中國之人弗與也。此匈奴之長技也。若夫平原易地。輕車突騎。則匈奴之衆易撓亂也。勁弩長戟。射疏及遠。則匈奴之弓弗能格也。堅甲利刃。長短相雜。遊弩往來。什伍俱前。則匈奴之兵弗能當也。材官驍發。矢道同的。則匈奴之革筰木薦弗能支也。下馬地闊。劍戟相接。去就相薄。則匈奴之戟弗能給也。此中國之長技也。以此觀之。匈奴之長技三。中國之長技五。陛下又興數十萬之衆。以誅數萬之匈奴。衆寡之計。以一擊十之術也。雖然。兵凶器。戰危事也。以大爲小。以彊爲弱。在倂仰之間耳。夫以人之死爭勝。跌而不振。則悔之亡及也。帝王之道。出於萬全。今降胡義渠蠻夷之屬。來歸誼者。其衆數千。飲食長技。與匈奴同。可賜之堅甲絮衣。勁弓利矢。益以邊郡之良騎。令明將能知其習俗。和輯其心者。以陛下之明約將之。即有險阻。以此當之。平地通道。則以輕車材官制之。兩軍相爲表裏。各用其長技。衡加之以衆。此萬全之術也。傳曰。狂夫之言。而明主擇焉。臣錯愚陋。昧死上狂言。唯陛下財擇。文帝嘉之。乃賜錯璽書寵荅焉。諸將策疏謀畧。漢劉向上宜封陳湯疏。湯素食所尚。獲財物入塞多不法。司隸校尉移書道上。繫史士按驗之。湯上疏言。與史士共誅奸吏。罪于萬里振旅。宜有使者迎勞道路。今

司隸收繫案驗。是爲郅支報讎也。上立出文士。旣至。論功。石顯以爲延壽  
湯擅興矯制。幸得不誅。如從加爵土。則後來使者爭欲乘危徼幸。生事於  
蠻夷。議久不決。故宗正劉向上疏曰。郅支單于因殺使者。吏士以百數事。  
暴揚外國。傷威毀重。陛下赫然欲誅之意。未嘗有忘。西域都護延壽副校  
尉湯。承聖指。倚神靈。出百死。入絕域。斬郅支之首。掃谷吉之耻。萬夷懾伏。  
莫不懼震。呼韓邪單于見郅支已誅。且喜且懼。願守北藩。累世稱臣。昔周  
大夫方叔。吉甫。爲宣王誅玁狁。而百蠻從。其詩曰。顯允方叔。征伐玁狁。蠻  
荆來威。吉甫之歸。周厚賜之。其詩曰。吉甫宴喜。旣多受祉。來歸自鎬。我行  
永久。千里之鎬。猶以爲遠。況萬里之外。其勤至矣。延壽湯旣未獲受祉之  
報。反屈捐命之功。久挫於刀筆之前。非所以勸有功。厲戎士也。昔齊桓前  
有尊周之功。謂伐楚責苞茅。後有滅項之罪。僖十七年。夏滅項。公羊傳曰。  
齊滅之也。不言齊爲桓公諱也。君子以功覆過。而爲之諱行事。貳師將軍  
李廣利。捐五萬之師。靡億萬之費。經四年之勞。靡散也音摩。而屢獲駿馬  
三十匹。雖斬宛王母鼓之首。西域傳作王母寡。猶不足以復費。復償也。其  
私罪惡甚多。孝武以爲萬里征伐。不錄其過。今康居國強於大宛。郅支之  
號重於宛。王殺使者。罪甚於留馬。而延壽湯不煩漢士。不費斗糧。比於貳

師功德百之。且常患隨欲繫之烏孫。鄭吉迎自來之日逐。猶皆裂土受爵。故言威武勤勞。則大於方叔吉甫。列功覆過。則優於齊桓貳師。而大功未著。小惡數布。臣竊痛之。迺封延壽爲義成侯。賜湯爵關內侯。大中大夫谷永。上宜赦陳湯罪疏。湯上言。康居王侍子。非王子也。按驗實王子也。湯下獄當死。臣聞楚有子玉得臣。文公爲之反席而坐。子玉楚大夫也。得臣其名也。趙有廉頗馬服。強秦不敢窺兵井陘。近漢有郅都魏尚。匈奴不敢南向沙漠。由是言之。戰克之將。國之爪牙。不可不重也。竊見關內侯陳湯。前使副西域都護。忿郅支之無道也。閔王誅之不加。屠三重城。斬郅支首。報十年之逋誅。雪邊吏之宿憾。威震百蠻。武暢四海。漢元以來。征伐方外之將。未嘗有也。書奏。天子出湯。奪爵爲士伍。漢皇甫規上求乞自劾疏。永和中西羌衆大合。攻燒隴西朝廷患之。規乃上疏求乞自劾。臣比年以來。數陳便宜。羗戎未動。策其將反。馬賢始出。頗知必敗。誤中之言。在可致校。臣每惟賢等擁衆四年。未有成功。久師之費。且百億計。夫羗戎潰叛。不由承平。皆因邊將失於綏御。乘常守安。則加侵暴。苟競小利。則致大害。微勝則虛張首級。軍敗則隱匿不言。軍士勞怨。困於猾吏。進不得快戰。以微功。退不得溫飽。以全命。餓死溝渠。暴骨中原。徒見王師之出。不聞振旅之

聲。酋豪泣血驚懼生變。是以安不能久。敗則經年。臣所以搏手叩心而增歎者也。願假臣兩營二郡。屯列坐食之兵五千。出其不意。與護羌校尉趙冲。共相首尾。土地山谷。臣所曉習。兵執巧便。臣已更之。可不煩方寸之印。尺帛之賜。高可以滌患。下可以納降。若謂臣年少官輕。不足用者。凡諸敗將。非官爵之不高。年齒之不邁。臣不勝至誠。沒死自陳。時帝不能用。章憲恪公集論措置招安人馬三說。臣聞近日諸軍。有招安到諸處頭項人馬。頗不寧帖。雖重兵彈壓。將臣措置。固已別無他虞。然事欲經久。理須可行。臣詢之衆論。謂其說有三。蓋自來招安之人。必須裂其隊伍。易其將佐。異其居處。今新招之人。關防有所未至者一也。又行在諸軍月糧。口食料錢。食錢並從一多。今新招之人。日支食錢百錢。省口食二勝半。別無衣食。自營之資。迫於老幼餬口之計。其撫養存恤。有所未盡者二也。又朝廷旁近郡。如錢塘溫明等處。物價高下。比之越上。夫旣不同。並無成卒。若分就錢塘近便去處。時暫駐劄。則士卒薪芻日資之物。決無高價倍用之費。即有警急。朝召而夕至。必無闕事。今新招之人。放縱既久。乍從儉約。已自不堪。加之百物踴貴。日用益廣。是以不能安處。其屯泊暫戍之地。有可議者三也。臣伏望聖慈。速與大臣商量。經畫此三事者。以安反側。不勝大幸。若

使迫於飢窮。令其愁苦。雖法制日嚴。刀鋸積下。終不能禁其潰亂之心。何敢望其征役之用哉。縉紳淵源陳讀而隆興府馬總管啟。英標久闕。良深仰德之懷。戎幕聲聞。幸託同寅之好。未遑脩賀。先沐撫謙。某官沉略濟時。長材邁往。運籌決勝。夙韜堂上之奇。橫槊賦詩。獨擅胷中之畧。顧今副帥。視昔廉車。矧江西一路之雄。護諸將列屯之重。折衝樽俎。少資綏靜之功。拱扈殿巖。佇奉還歸之詔。某濫將隆指。方愧罔功。千里向風。尚阻參承之便。尺書走介。第深感戢之私。又回陳正將啟。講聞惟奮。莫瞻庭角之姿。會晤有期。行接箇憑之末。未皇脩敬。遽辱撫謙。某官天賦材猷。家傳忠孝。功名自許。笑安事於毛錐。氣槩不凡。漫留心於金版。頃常游刃。曾不挫芒。諸公安鶚薦之章。九重思鷹揚之勇。合留侍於環珥。尚借重於南方。弓矢橐鞬。小展總戎之畧。詩書禮樂。佇膺謀帥之求。某才無脩人。老而漫仕。未離塵埃之走。敢忘風月之分。一見勝於百聞。已愜平生之願。他人不如同姓。當知忠孝之規。又許巽回趙路分啓。發號九天。總戎一道。擁旌旄而載路。惠然肯來。忽珠玉之相先。喜而不寐。感銘深切。慚懼交并。某官派別天潢。芳流仙籍。學問悉根於千聖。文章自成於一家。抗志功名。投棄班超之筆。過人謀畧。雅尊卻轂之書。亟蒙剡牘之薦。掄荐被冕旒之賞。

鑒榮泰幕府。旋董戎昭。第惟盤石之宗。當厚本根之蔭。不容席煖。佇奉詔  
溫。某深愧樛材。濫吹鍾幕。財貨源流之未達。簿書期會之何堪。逃虛而聞  
足音。奚啻斐然之喜。握手而論心曲。願親益矣之規。又徐湘賀熊總管  
啓。額之南去。朝廷遠甚。深切顧憂。聞以外付將軍制之。有光分命。旌旗  
日暖。草木春回。某官國士無雙。將材有五。翹關負重。臚傳卓冠於倫魁。攬  
轡澄清。威望雅誇於淮海。俄急流而勇退。從醉尉以誰何。拊髀興嘆。方漢  
文恨不得頗牧。用兵爲善。惟李靖可與語孫吳。爰起螭龍之卧於南陽。俾  
總如虎之叱於廣管。獨當方面。小留細柳之真。嚴設壇場。即拜淮陰之大。  
某辱知有素。聞命尤欣。瞻厦屋之連雲。又懷阻閭。企麾幢之歷境。庶托幘  
幪。又通趙都監啓。仰公侯之干城。籍甚維城之望。叨賓客而入幕。缺  
然佐幕之能。茲幸及瓜。遂將施柏。某官麟之角。振振公族。鑫斯羽藝。蟄子  
孫。漢東平之善。朱虛之忠。唐阿閭之功。江夏之畧。屬兩階之舞羽。屈千里  
以臨戎。分寶玉以展周親。正賴枝葉本根之庇。刑白馬而王劉氏。佇膺河  
山帶礪之封。某偶同君子之寮。獲從大夫之後。飢烏繞樹。既有可依之枝。  
美玉在山。嗚非不潤之木。又與李都監啓。干城南國。微而草木以皆  
知。汎水儉池。久矣匏瓜之不食。及茲副掌得所。苾依。某官材氣天下無雙。

戰功中興第一。鳴劍馳伊吾之志。著鞭恐祖生之先。屬舞羽於兩階。暫總戎於千里。上方拊髀。遠思李牧之爲人。日矧登壇。亟拜淮陰之大將。某居前居後。不能軒輊。一飛一集。何計少多。俾同君子之僚。獲從大夫之後。聞大尉羔兒之酒。儻容著綠之書生。賦將軍競病之詩。或見能文之稚子。

又代回趙監押啓。聞津鐸浦。昔諧覲面之私。領郡近江。今有親人之便。是惟幸會。深切懽懷。某官學有餘師。器非近用。擢僊籍鬱然之秀。蜚仕途籍甚之聲。暫屈總戎。未聞召節。周以異姓爲後。獨尚懿親。漢非劉氏不王。寧容外服。某久茲間闊。行矣瞻承。未遑縑素之馳。首辱駕緘之賜。感銘交集。數述奚彈。又通吳巡檢啓。細柳屯雲。仰止真將軍之久。紅蓮泛水。覲然老賓客之慙。行將盍簪。敬用削牘。某官龍虎熟於韜略。草木知其威名。精神足以折遐衝。中興第一。詩書可以謀元帥。天下無雙。維時戡寨。小屈偵邏。上方拊髀。遠思李牧之爲人。日矧登壇。亟拜淮陰之大將。某後前不能軒輊。飛集何計少多。偶同君子之寮。獲從大夫之後。興其進也。儻坐間不厭於綠衣。俯而就之。庶屋上竊窺於解瓦。又余日華代回曹統領啓。隨牒宦途。夙仰七十餘創之勇。剖符支郡。行瞻九尺四寸之容。犬尉此心。曷勝其喜。某官豆箕思敏。競病才高。亟傳黃石之書。妙得白猿之術。

謂刀劍安用毛錐子。欲貂蟬生從堯鑒中。當拊髀思李牧之賢。乃投筆抗  
班超之志。敦詩書悅禮樂。以儒家者流。執鞭弭。屬橐鞬與膾等爲伍。暫屈  
總戎之職。莫收汗馬之功。橫槊賦詩。志常在於千里。披甲上馬。老猶堪於  
一行。願趣舍人以治裝。即斬名王而繫鼓。某載驅風駕已及近疆。逆旅崎  
嶇。行李未遑於一介。攜謙繾綣。尺書先辱於雙魚。感極銘心。言彈佔畢。

又與麻沙魏巡檢啓 聞英譽於諸公。期於識面。接臣遊於百里。實以尉  
心。敢列寸忱。敬寓尺削。某官材猷闡敏。智畧縱橫。得兵法五十家。糟粕不  
專於紙上。折退謀千萬里。機籌將滿於胷中。少損功名。下親巡警。暫來山  
水之邑。盡洗弓刀之塵。州縣之職。徒勞人寧。又淹於逸駕。廟堂之舉。不次  
用。即入侍於周廡。某學昧知新。分甘置散。一領青衫之落魄。數莖白髮之  
蕭騷。誰謂環堵之書生。迺堪冥身於委吏。萬幸契之云始。喜有鄰而不狃。  
雖異事及同寮。勿謂兵民之殊治。輔吾志明以告。尚期藥石之垂規。喜動  
于中。言莫能控。晉陸雲集國人兵多不法劄子 郎中令臣雲言國人兵放  
橫。多行非法。至使暴及市道。聲聞京邑。親信兵乃罵詈洛陽市丞。遠近囂  
然。聲論日廣。而主者前後所報。每蒙寬宥。故群小敢肆其暴虐。前與駕當  
東時。臣具以奏聞。上立節度。亦備嚴上下司察。念在舉宣。而親信卒秦驪。

稱突關強市民物。至使行道哀窮。路人歎惋。臣下祇命。幸使罪人時獲僉以秦。宜加重戮以戒肅。方來軍都督李嬰。行實奸穢。終身備王人。雖不致法。猶加捶楚。主者奏秦依嬰決罰。事寢不出。而特令原秦。秦之凶狡。罰至大辟。至於今日。不蒙薄罰。臣切以自今群醜。虎視競爲暴虐矣。小人得志。則下陵上替。前卿顯言事。大農文旨倨傲。反成却安功名之士。議在不辱。而顯等恃恩。敢行侮慢。臣時列啓并呈顯言事。事寢不省。是以自來拱嘿。未敢多言。而切見國法日侈。而恩宥無已。誠懼威禁遂頽。醜聲滋聞。愚謂自今宜齊之以法。使下知禁。有司所執。猶宜時聽。不然。以往則監司之束鋒矩靡加。而準繩替矣。臣忝切非據。與聞國政。服事以來。在筭三年。朝憲多違。威御無列。好問不登。而流聲播越。皆由執政之臣。官非其人。常思收迹自替。以避賢路。退惟受遇微報。未効。是以忍垢素餐。敢用文諫。唯殿下哀明愚臣。繾綣愚忠。不以前後迂迥。多見罪責。臨紙慷慨。言不自盡。宋楊冠卿客亭類藁與兵官啓 十舍相望。未見君子。六聯合治。茲同官僚。敢以尺書。布之下執。恭惟某官。氣剛而志烈。聲蜚而實騰。屈臨花縣之封。坐息潢池之盜。顧計畫有可采者。未殫利國之謀。謂將軍何以教之。行慶登壇之拜。某浮家蒼渚。馳志伊吾。安邊境而立功名。莫遂長纓之請。登龍斷

而圖市利。姑爲斗粟之圖。所期歟。奉於誨言。或可少逃於罪戾。宋歐陽公  
集論宣毅萬勝等兵劄子。臣昨準勅差往河東續準樞密院劄子。奉聖  
旨。所到州軍。體量諸軍指揮。自來習學武藝。并教閱戰陣次第。精與未精。  
緩急堪與不堪。陣敵使喚者。臣尋至諸州軍。令主兵官吏依常式教閱。觀  
其精粗。所用陣法。除四官陣舊法外。亦有自爲新陣者。大抵只是齊得進  
退。不亂行伍而已。諸處所較不多。其陣法則皆未可用。惟有踏硬射親。最  
爲實藝。見今經略司分差主將諸州巡教。以三等弓弩拍試。漸次亦當精  
熟。然而主將不一。器械不精。此二事須更別爲制置。其諸軍禁兵。共九萬  
五千餘人。內駐泊兵三萬餘人。惟萬勝最多。最不精。本路就糧禁兵六萬  
餘人。惟宣毅最多。最不精。臣今欲乞定主將。精器械。此二事條目甚多。容  
臣續具畫一。其宣毅萬勝等兵。臣今先具起請如後。一臣勘會河東駐  
泊禁兵六十八指揮。共三萬二千餘人。內萬勝二十指揮。一萬一千一百  
餘人。當初招募倉卒。不能精擇。此中外共知。自到河東。已及三年。其射親  
踏硬弩。比初到則漸慣熟。但其人大小強怯不等。又耐辛苦。其事藝勉  
力不及河東。最下清邊。而料錢請受與最上神衛等。見今多差在河外五  
寨。緣請受既大。於他軍則重難倫次。須至差撥其使喚。乃不及下軍緩急。

常憂敗壞。臣今欲乞於河東見在廂軍三萬人數內揀少壯有勇力者增置清邊。及於京師差撥三百料錢禁軍充足一萬人數。抵替萬勝抽回。兼其人到河東已二年餘。人各有辛苦思歸之意。一臣勘會河東本路就糧禁兵共一百四十九指揮。六萬二千七百餘人。內宣毅四十四指揮。二萬二百餘人。宣毅招揀不精。無異萬勝。惟河東稍勝諸路。蓋土人天性勁勇。耐辛苦。然終是不及自投軍者。其農夫生梗。難以教訓。至今全未堪使喚。且到澤州。有一指揮。只揀出九十餘人呈教。尚亦生疎。咸勝軍兩指揮內一指揮。絕然不成次第。問之云。差出。近方歸本營。蓋河東多將宣毅差在巡檢。下及諸處。便不教閱。臣今欲乞將見在宣毅。委河東都轉運便親至諸州。將短小怯弱者先揀退充廂軍。其餘堪教者不得差往巡檢。下及防河寨柵不教閱處。專令逐州軍教一二年。必漸可用。又論永寧軍捉獲作過兵士劉子。臣近據永寧軍捉獲作過兵士。已曾具結集作過因依聞奏訖。蓋以河北屯聚兵馬雖多。自來未有威名將帥鎮撫。而卒士驕狠。相習爲常。昨自保州變亂之後。肅軍衛州通利軍等處相繼結集不已。只如今來趙牧等。本亦別無酷虐情狀。只是偶然東試不當。況自有部署轉運提點刑獄司等處。自可依公論訴。豈得小不如意。便謀結集。以此見

雖是官吏乖方。亦由驕兵好亂。臣伏見有唐驕兵逐帥之禍。起自河北。始務姑息。養成大患。况今河北爲國家重地。事之利害所繫不輕。尤宜遠慮。周思防微杜漸。今官吏敗事。偶寬責罰。未至失刑。若驕兵過示姑息。一啓其端。則他時有不可制之患。昨保州之事。知州通判並遭殺害。其餘官吏各重行責降。至今保兵自爲得志。動皆引以爲言。而即目統兵之官。亦自始以爲戒。軍威日削。士氣益驕。今永寧之事。亦因茲而馴致也。其趙牧等雖爲可罪。若使重行黜責。則河北驕兵結集竊恐自此漸多。開啓其端。養成後患。以此而言。趙牧等可罪之人。誠不足惜。所可惜者。朝廷事體也。其趙牧等欲乞候斷訖。作過兵士且與移一河北隣近依舊資序差遣。不使驕兵得志。而後患轉滋。必欲更行移降。事關朝旨定奪。逾時亦未爲晚。

又乞真定府分驍武兵士。別作指揮劄子。臣勘會。昨準河北宣撫使司指揮真定府驍武雲翼共五指揮。各以五百人爲一指。揮外。共攢併出九百三十七人。別爲兩指揮。本司已依近降樞密院劄子。未敢分擘。先具分擘團併人數聞奏。聽候朝廷指揮去訖。臣檢會。昨準宣撫司劄子。下河北諸路。分併指揮。兼令轉運司應副木植人工修蓋營房。其諸處各爲少關材木。未曾修蓋營房。仍分併指揮之間。已準樞密院劄子。令奏候朝旨。以

此諸州兵士指揮。各未曾分擘營房。亦未敢修蓋。惟有真定府一處。爲有見在木植甚多。於未降到劄子已前。尋便依準宣撫司指揮。踏逐到營房地。支撥一色新好材木。脩蓋到營一座。即今將欲了手。元指定作驍武兵士。各爲住營內人多屋少。多是兩三家共住一間。經夏暑雨。存住不得。爲見官中脩營。分擘指揮。人各忻然。遂其私便。各自用功脩蓋。全不曾催督。只及月餘。已相次了手。竊慮朝廷元降劄子。指揮內有七百人已上處。方許分擘。今來驍武三指揮。各只是六百四五十人已上。以此不令分擘。又慮朝廷不見得本府驍武兵士已共力興工。蓋成好屋。今若却不令分擘。即恐兵士已指望上件營房屋住。頌然失望。於軍情不便。伏乞朝廷特賜詳察。其諸州軍。即須候奏得朝旨。分定指揮。方得興蓋營房。其真定府一處。已蓋了營屋者。伏乞早降指揮。許令將驍武兵士。分擘爲一指揮。於新蓋成營內居住。所貴下順軍情。別不生事。仍乞檢會部署司前奏人數。早賜施行。取進止。宋元憲公集乞差當直兵士劄子。伏覲唐制。凡在京文武職官。自一品至九品。皆給防閣底僕州縣官僚。皆有白直執衣。今來外任自知州以下至簿尉。並給兵士。散從官承符手力之類。品位至卑。猶給七人。名雖不同。其於供身指使。猶用律文白直執衣之法。國朝稽若古道。